



Skritóriu di Responsabilidadi 2010-2011

Servisu di Splikason Grátis Servisu di Idukason Suplementar (SES)

FORMULARIU DI PIDIDU OFISIAL

Pa Skodji Ajênsia di Splikason Pa Nhos Kriansa

PUR FAVOR, ABRI ENVELOPI D'UN VÊS

Prazu Final: SESTA-FERA, 8 di OUTUBRU di 2010

Karu Pais/Inkaregadu:

Skola di nhos kriansa — y tudu otu Skola Publiku di Boston — sta enpenhadu na aproveitamentu ilevadu pa tudu alunu. Nos meta prinsipal é pa oferese apoiu nesensariu pa aseguira ki kada alunu ten txeu oportunitadi di midjora ses abilidadi akademiku.

Ku es objetivu en menti, nu ta informa nhos ki nhos kriansa podi ser ilejivel pa ajuda akademiku estra baxu lei federal di idukason di KA DEXA NINHUN PA TRÁS.

Nu ta spera ki tudu alunu ilejivel y ses família ta disfruta di es oportunitadi akademiku.

Tudu kriansa na skola di nhos kriansa ki ta kualifika pa almosu grátis o ku presu reduzidu é ilejivel pa resebi Splikason Grátis. Splikason é asistênsia akademiku ki ta kontisi na lukal antis di skola, dipos di skola, o duranti veron. Asistênsia é dadu pa pruveroris aprovalu pa stadu.

Nu sta ta manda nhos es avizu pa djuda nhos entendi modi ki splikadoris podi djuda nhos kriansa y kuze ki nhos mesti fazi pa proveita es servisus. Nhos ka é obrigadu pa matrikula nhos kriansa na es prugrama di splikason grátis, ma nu ta inkoraja nhos pa proveita di es oportunitadi.

Ku Splikason Grátis, Nhos ta Skodji!

Ta ser pusivel pa nhos skodji di servisu di splikason diferenti oferessidu pa pruveroris na lukalizason diferenti. Di es forma, nhos ta disidi kuze ki é midjor pa nhos kriansa.

Votus di Felesidadi y Susesu na Anu Skular.

Carol R. Johnson
Superintendenti

Pur favor prienxi y devolvi formulariu di matrikula pa skola di nhos kriansa até dia Sesta-Fera, 8 di Outubru di 2010.

PRUVEDORES DE SERVISU DI SPLIKASON	ARIAS DI PRUGRAMA	GRAUS SERVIDU	LOKALIZASON DI SPLIKASON	LINGUA STRANJERU SERVIDU
ACHIEVE HIGH POINTS, INC. Kontaktu: Darcy Asher, Devina Singh Telefoni: 1-877-737-6252	Matimátika	3-12	Spplikason na Internet	Spanhol
ACHIEVE TUTORING Kontaktu: John Kupris Telefoni: 617-818-7284	Leitura, Skrita, Matimátika	K-12	Kaza & 47 Winter Street, Boston, MA	Spanhol, Portugês
ALLIANCE FOR INCLUSION AND PREVENTION Kontaktu: Robert Kilkenney, Meg Smith Telefoni: 617-469-0074	Leitura, Skrita, Matimatika	6, 7, 8	Irving Middle School, Frederick Pilot Middle School	Ninhun qosi
AMERICA SCORES (New England) Richard Sheward Telefoni: 617-265-0066 xt.159	Kontaktu: Leitura, Skrita, Matimátika	3,4,5	Skola di Kriansa	Txoma pa mas detalhi
ANN'S CHRISTIAN LEARNING CENTER Kontaktu: Denise Jeter Telefoni: 617-287-2332	Leitura, Skrita, Matimatika	K-8	Negosiu, Skola, Sentru Komunitariu, Lukal Relijiozu	Txoma pa mas detalhi
BELL-BUILDING EDUCATED LEADERS FOR LIFE Kontaktu: Palm Alden Telefoni: 617-282-1567, xt.134	Leitura, Skrita, Matimatika	K2-5	Holland, Kenny, Mather, Mattahunt, Tobin, Trotter	Txoma pa mas detalhi
BOSTON LEARNING CENTER Kontaktu: Peter Terry Telefoni: 617-265-7170 xt 302	Leitura, Skrita, Matimatika	K-12	zuo Asimomt Street, Dorchester, MA 02124, Kaza di Kriansa, Skola	Spanhol, Kriolu Aitianu, Krioulu di Kabu Verdi, Kantonês, Mandarin
BOSTON PUBLIC SCHOOLS Kontaktu: Maureen Harris Telefoni: 617-635-9414	Leitura, Skrita, Matimatika	3-12	Skola di Kriansa	Vietnamita, Kriolu Aitianu, Spanhol, Krioulu di Kabu Verdi, Xinês, Portugês, Somali
BRAINFUSE ONE TO ONE TUTORING Kontaktu: Alex Sztuden Telefoni: 866-272-4638	Leitura, Skrita, Matimatika	3-12	Spplikason na Internet	Spanhol
C&M EDUCATIONAL CONNECTIONS AND CONSULTING Kontaktu: Paula Nelson Telefoni: 617-282-9700	Leitura, Skrita, Matimatika	K-10	Skola, Kaza, Negosiu, Lukal Komunitariu, Internet	Kriolu di Kabu Verdi, Xinês, Kriolo Aitianu, Portugês, Spanhol, Somali, Vietnamita
CATAPULT LEARNING Kontaktu: Katie Santos Telefoni: 401-316-7921	Leitura, Matimatika	K-8	Skola di Kriansa	Tudu Lingua
CITIZEN SCHOOLS Kontaktu: Aimee Demora Telefoni: 617-695-2300	Skrita, Matimatika	5-8	Skola, Kaza, Edison, Skola Mediu Edwards, Skola Mediu Gavin, Skola	Txoma pa mas detalhi
CLUB Z! IN HOME TUTORING SERVICES Kontaktu: Stephanie Mitchell Telefoni: 888-434-2582	Leitura, Matimatika	K-12	Skola, Kaza, Internet, Otus Lukal	Spanhol y Otus si Pididu
EDUCATE ONLINE Kontaktu: fern Holland Telefoni: 843-798-0108	Leitura, Matimatika	3-12	Skola, Kaza, Internet, Otus Lukal	Txoma pa mas detalhi
GENERATIONS INCORPORATED Kontaktu: Julie Sittler Telefoni: 617-423-5545	Leitura	K-4	Skola, Sentru Komunitariu, Boys & Girl's Clubs inklundu South Boston,	Txoma pa mas detalhi
GREENWOOD SHALOM OUTREACH COMMUNITY, INC. Kontaktu: Tanna Preston Telefoni: 617-282-1464	Leitura, Skrita, Matimatika	K-10	378A Washington Street, Dorchester, MA 02124	Spanhol, Kriolu Aitianu
LEARN-IT SYSTEMS Kontaktu: Deborah Picard Telefoni: 617-822-0028	Leitura, Matimatika	K-8	Skola, Lukal Komunitariu	Spanhol, Inglês, Kriolu Aitianu
PINNACLE LEARNING CENTER Kontaktu: Steven Shapiro Telefoni: 781-828-2800	Leitura, Skrita, Matimatika	K-12	Skola, Lukal Relijiozu, Sentru Komunitariu, Otus Lukal	Spanhol, Xinês, Portugês Fransês, Kriolu, Japonês,
PREFERRED TUTORING SERVICES Denise Watson 973-337-2111	Kontaktu: Telefoni: Leitura, Skrita, Matimátika	K-8	Skola di Kriansa	Spanhol, Portugês, Turku
SMARTIES TUTORING SERVCES Kontaktu: Isaak Aronson Telefoni: 617-861-8318	Leitura, Skrita, Matimátika	K-8	Skola, Lukal Relijiozu, Sentru Lomunitariu, Otus	Spanhol
SYLVAN LEARNING CENTER Erica Adametz Telefoni: 617-264-4150	Leitura, Matimátika	K-12	1626 Beacon Street, Brookline	Txoma pa mas detalhi
TENACITY, INC. Kontaktu: Gary Phillips Telefoni: 617-562-0900	Leitura	6,7,8	Jackson Mann, Edison, Washington Irving, Lilla G. Frederick,	Spanhol
THE ACHIEVEMENT ACADEMY Kontaktu: Theodore Darlington Telefoni: 1-866-808-2036	Leitura, Skrita, Matimátika	K-12	Skola, Sentru Komunitariu, Otus	Txoma pa mas detalhi
THE YMCA OF GREATER BOSTON Kontaktu: Joanne Russo Telefoni: 617-927-8250	Leitura, Matimatika	K-5	Skola, Roxbury YMCA, Dorchester YMCA, Huntington	Txoma pa mas detalhi

Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	325 ora	Seq-Sab	Grup Pikenu / Individual
Txoma pa mas detalhi	4-5 ora	290 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	255 ora	Seq-Sab	Grup Pikenu / Individual
Txoma pa mas detalhi	4-5 ora	220 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	185 ora	Seq-Sab	Grup Pikenu / Individual
Txoma pa mas detalhi	4-5 ora	150 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	115 ora	Seq-Sab	Grup Pikenu / Individual
Txoma pa mas detalhi	4-5 ora	80 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	45 ora	Seq-Sab	Grup Pikenu / Individual
Txoma pa mas detalhi	4-5 ora	10 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup
Txoma pa mas detalhi	2-6 ora	25 ora	Seq-Sab	Grup Pikenu / Individual
Txoma pa mas detalhi	4-5 ora	60 ora	Seq-Kin	Individual / Grup
Txoma pa mas detalhi	2-6 ora	40+ ora	Seq-Sab	Grup Pikenu / Individual
Txoma pa mas detalhi	4 ora	80 ora	Seq-Ses	Grup

ACHIEVE HIGH POINTS, INC.

Prugama di Splikason online di MATIMÁTICA pa graus 3-12 ki ta sigi padron di stadu di Massachusetts. Achieve HighPoints ta djuda alunus atinji profusiênsia di nivel di ses grau y konsigi nota mas altu di stadu. Disponivel di kaza 7 dia pa semana uzandu un konputador purtatil GRATÍS dadu pa trabadja na prugrama, nos plataforma ta oferesi alunus fleksibilidadadi di prenda na ses propriu orariu. Ka ten ki luta ku trafiku o tenpu mariadu di Boston. Alunus ta trabadja na ses propriu ritmu sperandu ki es ta konpleta 3-4 ora di trabadju pa semana. Susesu konprovadu: 82.5% di alunus ki konpleta prugrama midjora nota di matimátika na skola. (Fonti: 2009 Independent Study by the University of Georgia). Termina prugrama di 30-35 ora y odja aumentu di media di 15 pontu na nota di testi.

ACHIEVE TUTORING

Achieve ta leva instruson individualizadu ki alunu mesti pa atinji ses masimu putensial. Nu dezenvolvi un prugrama personalizadu pa kada alunu, ki ta sigi Massachusetts Curriculum Frameworks, pa podi subu alunu un nivel di grau, dipos di intervenson intensivu. Nu ta spesializa na trabadja ku tudu alunu, inklúindu kes ku difisiênsia y Alunus ki Sta ta Prendi Inglês. Nos meta é pa aselera aproveitamentu akademiku pa tudu alunu, inklúindu: alunus na risku, dezinteresadu y alunus disligadu. Nos seson di Sabadu di palmanhan é dezenhadu pa alunus desligadu – djudandu es transforma en alunus pro-ativu ki ta konsigi susesu akademiku. Nu ta oferesi splikason na kaza. Nu ta oferesi tanben instruson na grupu na nos sala di aula ku lukalizason sentral na 47 Winter Street, Boston (Downtown Crossing y Park Street Station). Achieve ten enpregadus sprienti pa instruson di alunus di K-12.

ALLIANCE FOR INCLUSION AND PREVENTION

Alliance for Inclusion and Prevention's (AIP) é un kulaburason di 15 anu ku Skola Públiku di Boston pa prumovi susesu di skola y djuda fitxa diferensa di aproveitamentu atraves di atividadis akademiku y enrenkesimentu di alta kualidadadi fora di orariu skular. AIP ta djuda alunus midjora atraves di splikason SES individual y na pekunu grupu na Leitura, Skrita y Matimátika. Prugrama di AIP SES ta opera na 2 skolas di Skola Públiku di Boston: Skola Mediu Washington Irving y Skola Mediu Pilotu Lilla G. Frederick.

AMERICA SCORES (New England)

America SCORES New England ta uza un kombinason uniku di futbol, skrita, spreson kriativu, y servisu di aprendizajen pa ensina abilidadadi di alfabetizason y matimátika na Skolas Públiku di Boston. Kurikulu baziadu na peskiza "Power of Poetry" y "Writing for the Community" ta oferesi un balansu di skrita kriativu, lison strukturadu na forma poetiku y peskiza. SCORES ta utiliza tanben ETA/Prugrama Cuisenaire dipos di skola di Matimátika ki ta sigi padron lukal y di stadu. SCORES ta sirvi alunu interu ku balansu di apoju na alfabetizason, atividadi fiziku y konstruson di karater. Alunus di SCORES ta sisti prugrama di skola pa minimu di 10 oras pa semana duranti anu skular. Servisu é fetu pa profesor di Skolas Públiku di Boston. Pais ta resebi relatorius di progresu periodikamenti y nos pesual sta disponivel pa enkontra y diskuti progresu di alunu.

ANN'S CHRISTIAN LEARNING CENTER

Ann's Christian Learning Center (ACLC) é di karis relijiozu, un sentru di splikason individual. Nos profesor altamenti kualifikadu ta da splikason pa alunus di grau 2-8. Alunus é inkorajadu atraves di involvimentu di pais, ses propriu partisipason na dezenvolvimentu di meta kes podi atinji, y pa tudu insentivus ki nu ta oferesi na nos prugrama di mutivason. Nu ta premia alunus pa fazi bon trabadju na testi administradu na nos Sentru y na ses skola, midjora grau, konpleta trabadju dretu, y ten un bon atitudi.

BELL-BUILDING EDUCATED LEADERS FOR LIFE

Mison di BELL (Building Educated Leaders for Life) é pa midjora aproveitamentu idukasiunal y oportunitadadi di vida pa alunus ki ta vive na komunidadadi di baxu rendimentu ekonomiku. Prugrama di dipos di skola di BELL é fetu ku grupu pikinoti, splikason na alfabetizason y ajuda ku trabadju di kaza di matimátika di Sigunda a Kinta na sinku skola primariu Públiku di Boston, ku otus atividadi sima atividadi kultural, paseiu y prujetu di servisu kumunitariu na Sesta Fera.

BOSTON LEARNING CENTER

Sen kustu pa nhos, Boston Learning Center podi da splikason na skola di nhos fidju o na kaza pa alunus di grau K-12. Es ta oferesi tanben un prugrama di mutivason txomadu di BIFF pa adolesenti na grau 6-12. BIFF ten un aseitason pa universidadadi di 90% pa ses alunu, y ta transforma reprovason na susesu akademiku. Duranti ultimis vinti anu, nu sirvi mas di 3,000 alunu na nos komunidadadi ku rezultadu eselenti. Nos prugrama ta inklui un kurikulu individual dezenhadu pa satisfazi nesetidadi di kada kriansa.

BOSTON PUBLIC SCHOOLS

Prugrama di Skola Públiku di Boston (BPS) ta oferesi 60 ora di instruson na grupu pikenu na leitura, skrita y matimátika pa profesor altamenti kualifikadu di Skolas Publiku di Boston. Splikason é fetu na skolas identifikadu komu ilijivel pa SES di BPS antis o dipos di skola. Material spesial y treinu estra pa profesor ta direksiona a nesetidadi di aprendizajen di kada alunu. Pais ta enkontra ku profesor 3 ves duranti anu pa papia sobri progresu di ses kriansa.

BRAINFUSE ONE -TO-ONE TUTORING

Ku Brainfuse, alunus y splikadoris ta komunika en tenpu-rial atraves de un sala di aula virtual fasíl di uza na internet. Brainfuse sta disponivel na kalker konputador ku internet. Nos splikador é idukador ku spriênsia y es ta pasa pa un prusesu di sertifikason rigurozu, inklúindu verifikason kriminal y di referênsia, varius intrevista, testi di abilidadadi, y bastanti treinu. Es ta oferesi splikason diretu di grandis instrutoris di matimátika, leitura y ESL (grau 4-12). Relatoriu di progresu é oferésidu regularmenti (na lingua nativu di pais).

C&M EDUCATIONAL CONNECTIONS AND CONSULTING

C & M Educational Connections and Consulting (CMECC) é un organizason di servisu di splikason y apoju fundadu pa un ex-edukador di Distritu di Skolas Públiku di Boston, ken ta rekunhesi nesetidadi di un prugrama dipos di skola baziadu na peskiza pa alunus ku difikuldadadi na siênsias, skrita, y matimátika. Metudu Idukasiunal di CMECC ta apoia kel mudelu di aprendizajen di "kriansa interu" y é ten kapasidadadi di trabadja ku grupu di alunus y ses famílias. Nu ta oferesi un kurikulu di skplikason na anu interu ki ta oferesi splikason pa remediason y enrekesimentu na leitura, ELA, Phonemic Awareness y matimátika pa alunus di graus 1-6 na un metudu fasíl y efisiênti. Nu ta oferesi lison privadu na konfortu di nhos kaza, na biblioteka lukal, skola y na Sentru, fetu pa satisfazi nesetidadi di kada alunu.

CATAPULT ONLINE

Catapult Learning ta oferesi pekenus grupus di splikason intensivu na Matimátika y Leitura. Nos programa ta djuda alunus midjora nota, kria konfiansa, y aumenta auto-estima. Spetativa pa konportamentu di alunus y partisipason é klaru y konsistenti. Alunus sta entuziastikamenti konsentradu na lison y engajadu na atividadi dezegnadu pa aumenta aproveitamentu di alunu. Nos profesor treinadu ten un aparenzia profisiunal y un atitudi akulhedor, puzitivu y entuziasta. Catapult Learning ta prupursiona alunus di Boston ku:

- Profesores kualifikadu, sprienti y dedikadu.
- Grupu di instruson pekenu ku masimu di 10 alunus pa profesor
- 2 pa 4 seson di 90-120 minutu pa semana
- Konvinientementi fetu na skola di kriansa
- Dipos di Skola
- Avaliasion Antis y Dipos
- Planu di Aprendizajen Individual pa Alunu pa satisfazi nesetidadi di alunus
- Pais y Administradoris ta ser atualizadu regularmenti di prugresu di alunu

CITIZEN SCHOOLS

Prugrama dipos di skola di Citizen Schools ta djuda alunu 1) kria abilidadi inportanti na matimátika y leitura, 2) dezentolvi valoris puzitivu y kapasidadi di lideransa, 3) preparason pa susesu na liseu y na universidadi, y 4) sta spostu a kareira y mentor di txeu profison. Ku konsedju di un enpregadu ku treinu profisiunal, alunus “na fase di apredizajen” ta trabadja ku voluntariu di txeu arias, inkluídu arkitetura, negosiu, jornalismu, lei, y teknulujia. Alunus ta pratika aprendizajen akademika y ta djunta kuzê ki es preñdi na skola ku susesu

na karera kompletandu prujetu di aprendizajen di mundu di trabadju, sima prepara y argumenta na un simulason di julgamentu, skrevi y publika un jornal, re-dezenha stason di koboiu, kria pajina di internet y mas. Nos pesual talentozu tanben ta apoia trabadju di kaza y ta komunika regularmenti ku profesor na skola.

CLUB Z! IN-HOME TUTORING SERVICES

Club Z! In-Home Tutoring Services ta da splikason indidual na seguransa di kaza di alunu, na ora ki é konvinienti pa pais. Splikadoris di Club Z! é o profesor sertifikadu pa stadu di skola publiku o privadu o profisiunal ku kursu y ku sabaduria aprofundadu y spriensa na splika na ses disiplinina. Club Z! ta koloka alunus baziadu na ses nesetidadi akademiku indidual y ses personalidade. Stilu di splika é altamenti persunalizadu y fetu spesialmenti pa alunu.

EDUCATE ONLINE

Educate Online ta oferesi, splikason diretu, personalizadu na kaza di alunu na ses sala di aula virtual na internet. The Educate Online ta simula instruson ki ta ten lugar na un sala ondi alunus ta xinta djuntu, so ki alunus ten tendensia en ser mas abertu y partisipa mas sabendu di seguransa y privasidadi ki aulas na internet ta oferesi. Alunus ta ten asesu a programa atraves di un komputador GRATIS ki Educate Online ta da-s. Alunus ta ten direitu di fika ku kel komputador kompletandu programa interu (sima determinadu na akordu ku prudevodor di distritu). Pais ta skodji orariu di ses kriansa, ki jeralmenti ta inkluí 2-4, seson di 60 minutu pa semana, Educate Online é apropiadu pa maior parti di alunus na grau 3-12. Prugrama baziadu na peskiza di Educate Online ta uza instruson indidualizadu y teknika di mestria di teknikas di aprendizajen pa midjora abilidadi di alunu na leitura y matimátika.

GENERATIONS INCORPORATED

Generations Incorporated ta oferesi splikason indidual pa alunus di primeru, segundu, terseru, kuartu y kintu grau di Skola Publiku di Boston. Nu ta oferesi servisu na varius lukal spalhadu pa Boston. Pa preñdi mas sobri organizason, txoma o vizita nos site: www.generationsinc.org. Splikadoris ta inkontra ku alunu dos ves pa semana, pa seksion di 40 minutu kada, uzandu kurikulu di “Reading Coaches”. Tutoris ta treina apuzentadu di

komunidadi ki ta priokupa ku alfabetizason di kriansa. Nu ta midi inpaktu di programa

Reading Coaches uzandu The Basic Reading Inventory (BRI), ki ta ser fetu 2 vês pur anu. Nos alunus ta midjora jeralmenti 2.5 nivel di leitura pa nivel. Alen di ganhu na alfabetizason, alunus ta benefisia di komponenti interjerason di alta kualidadi na programa.

Lukalizason di programa: Skola di Alunu, Sentru Komunitariu, Lukal dipos di skola (inklúdu South Boston, Blue Hill, y Yawkey Boys and Girls Clubs y Prugrama dipos di skola St. Stephens).

GREENWOOD SHALOM OUTREACH COMMUNITY, INC.

Greenwood Shalom Outreach Community (CGOC) é un organizason ku sete anu ki ta oferesi un variedadi di servisu idukasiunal y di apoju pa adulesenti na risku. Prugrama di SES di GSOC ta oferesi splikason na leitura, ELA y matimátika via instruson ku ajuda di komputador y ta fazi instruson indidual y di grupu pikenu di trabadju. GSOC ten sidu efektivu na midjor rezultadu akademiku pa alunus na risku, mididu pa avaliasion Woodcock-Johnson y otus midida. Desdi ki GSOC kumesa ta fazi kes avaliasion na 2003, tudu alunu ki resebi splikason di GSOC midjora pelu menus 0,5 grau na ses nivel depos di três-pa-seis mês, y otus midjora pa até 3.5 grau na ses nivel.

LEARN-IT SYSTEMS

Learn-it Systems ten instruson na grupu pikenu dipos di skola, levadu a kabu pa instrutor treinadu y sertifikadu pa stadu ku minimu di 2 anu di spriensa na sala di aula. Alunus ki bai pa programa ta ser inisialmenti agrupadu pa nivel di grau pa un pre-testi ki é dezenthadu pa imita na un forma mas kurtu testi di statu di Massachusetts. Informason di pre-testi ta sirvi pa kria un planu indidual di aprendizajen pa kada alunu. Alunus ku nesetidadi di aprendizajen semelhanti ta ser kulokadu djuntu na mesmu komunidadi pikenu di aprendizajen (grupu) pa ten oprtunidadi di kresimentu masimu, ajuda konpanheru preñdi, y atenson indidual y di grupu. Prugrama Learn-it Systems ta produzi rezultadu. Learn-it Systems djuda milharis di alunus na país interu pa preñdi abilidadis fundamental di leitura y matimátika ki es presiza pa ten susesu na skola y na vida.

PINNACLE LEARNING CENTER

Pinnacle Learning Center é lukal y provedor di servisu suplementar di Leitura, Skrita y Matimátika. Splikadoris di Pinnacle ta bai ate nhos – na kalker lukal na Boston! Nos tutor ta vizita alunu na kaza, na skola di kriansa, o na nhos sentru komunitariu lukal. Prugramas di Pinnacle é dizinhadu pa djuda alunu atinji y ultrapasa padron di aprendizajen di Massachusetts. Nos pesual ku txeu spriensa, sertifikadu komu profesor na MA é treinadu na material y teknikas di ensinu mas resenti pa djuda alunos Kresi. Nos programa ta inklui un enkontru inisial ku pais/inkaregadu, testi di diagnostiku, komunikason forti ku profesor di skola y pa un kurikulu individual dezinhadu pa aumenta au masimu dizenpenhu di kada alunu. Nos profesor sabi forma apropiadu pa mutiva nhos kriansa pa ten susesu na skola y alen!

PREFERRED TUTORING SERVICES

Preferred Tutoring Services, LLC ta oferesi servisu di kualidadi SES pa alunos na graus K (jardin) ate grau 8 na grupu pekenu. Preferred Tutoring Services kontribuí substansialmenti pa aproveitamentu di alunos ki fika atrazadu na Lingua, Leitura y Matematika. Numeru di alunos na grupu nunca ka ta ultrapasa 5. Dipos di testi di diagnostiku, nu ta forma grupu di alunos ki sta ta dezenpenha na nivel di grau semelhanti y ki ten kesmu nesetidadi di aprendizajen. Ambienti di grupu pikinoti ta da profesor un oportunidadi di konsentra na nesetidadi di kada alunu.

SMARTIES TUTORING SERVICES

Smarties Tutoring Services dja da splikason pa mas di 2500 alunos na Lingua Inglês y Matimátika uzandu un programa na grupu di splikason pikenu y ku un kurikulu online, persunalizadu y dinamiku. Nos programa é estremamenti ben susedidu. Kuatu di kada sinku alunu ta midjora ses testi mas di 10% y mas di metadi midjora pa mas di 25%. Nos programa ta enkontra 2-4 dias pur semana pa 1.5-2 ora. Nos klasi é ensinadu pa profesor sprienti ki sta entuziasmadu pa djuda kriansas midjora ses abilidadi na matimátika y alfabetizason. Nu ta fazi tudu esforsu pa dezafía y mutiva alunos pa maksimiza ses putensial. Smarties ta rekunhesi ki kada alunu é diferenti, y nu ta sforsa pa satisfazi nesetidadi spesifiku di kada alunu. Nu ta prumovi susesu esperandu trabadju rigurozu, enkuantu nu ta djuda alunos esforsa pa atinji nos spetativa.

SYLVAN LEARNING CENTER

Abordajen di The Sylvan Learning pa midjora aproveitamentu akademiku é baziadu na avaliason inisial pa identifika pontu forti y fraku di abilidadis di alunu. Baziadu na nesetidadi di alunu, un planu individual é dezentolvidu y uzadu uzandu instruson persunalizadu y mutivason di alunu, kual ta permiti ajuda idukasiunal direzionadu pa alunu ondi ki es meti mas. Uzandu kurikulu y metadulujia Sylvan Learning di aprendizajen, nos profesor treinadu y kualifikadu ta gía kada alunu na se planu persunalizadu. Duranti programa, pais ta resebi atualizason na prugresu di ses kriansa. Sylvan Learning ta odja profesor di alunu na skola u distritu komu parseru isensial na prusesu idukasiunal y ta komunika ku es tanben.

Sylvan Learning é lider nasiunal di provedores di servisu di idukason suplemental y nos programa ten tidu rezultadus na últimus 30 anus.

TENACITY, INC.

Tenacity é un organizason di susesu di dezentolvimentu di adulesenti na Boston ki ta “mijora dezentolvimentu instrutivu, karakter y fiziku di adulesenti urbanu atraves di un kobinason di akademiku, di instruson/konpetison di tenis ku konsentrasen na abilidadi di vida”. Prugrama di Eselênsia Dipos-di-Skola di Tenacity (ASEP) ta trabadja di pertu ku oitu skola Públiku di Boston pa leva un programa intensivu di três anu dezentolvidu pa alunos di skola mediu na risku. ASEP ta integra leitura/apoiu na alfabetizason, dezentolvimentu di abilidadi di vida y tenis/atividadi di preparason fiziku na un ambienti struturadu. Alunu di ASEP ta sisti 3 tardi pa semana duranti 30 semana na kadu un di ses grau 6, 7 y 8, pa un total di 290 ora kada anu skular, y 90 ora kada veron.

THE ACHIEVEMENT ACADEMY

The Achievement Academy ta oferesi splikason kara-a-kara pa alunos na grupu pikinoti y el ta konsentra na pontu fraku akademiku di kada alunu pa asegura ki es sta ta resebi instruson ondi ki es mesti mas. Profesor ta trabadja direktamenti ku nhos kriansa y ta komunika ku nhos na prugresu di nhos kriansa duranti programa. Nu ta uza vizita di studu y oradores konvidadus pa liga abilidadis ki es sta ta prendi ku se aplikason na vida rial. Nos profesor ki ta preokupa, ki é altamenti treinadu sta enpenhadu na midjora nota di nhos kriansa y ses auto-estima.

THE YMCA OF GREATER BOSTON

Prugrama SES di The YMCA of Greater Boston ta oferesi splikason na Lingua Inglês y Matimátika. Rezultadu pa alunos ta inklui abilidadi xavi sima fluensia, konprenson, skrita organizasiunal, y aprimuramentu di vukabulariu. Na matimátika, alunos ta spandi ses abilidadi na operason, atxa padron, frason, y problemas di palabra. Instruson é voltadu pa pa prugresu persunalizadu dentu di kada planu di aprendizajen individual y metas deskritu na planu.

Senpre ki pusivel, profesor di skola é splikadoris di SES na YMCA. Ses bazi, kunhesimentu, y perisia ta sigifika kualidadi. Grup u di seis a des alunos ta prendi di djuntu na un ambienti entuziastiku. Adulesenti ta involvi na atividadis pratika ki ta prumovi konfidênsia enkuantu es ta dezentolvi abilidadi kognitivu. Leitura en vós-altu, pergunta sobri tópicu, matimátika di vida rial, y problemas dezafiantis sta entre atividadis pa manti alunos konsentradu na leitura.

(Txoma kontaktu pa marka seksion di splikason y pa detalhe na dias y ora di servisu)

Mas informason sobri splikador podi ser inkontradu na site de Departamentu di Idukason di Massachusetts:

<http://www.doe.mass.edu/ses/>

Perguntas & Respostas Sobri Programa Grátis di SES

Kuze ki é programa di Splikason SES?

Servisu Idukasiunal Suplementar (SES) é un programa finansiadu pa governu federal komu parti di lei Ka Dexa Ninhun pa Trás (NCLB) ki ta oferese splikason grátis pa alunus ki é ilejivel pa almosu ku presu reduzidu o grátis na alguns skolas. Splikason é oferese pa alunus fora di dia skular tradisional pa varius provedoris. Programmas é dezenhadu pa djuda midjora abilidadis di alunu na leitura, skrita y matimatika.

Modi ki N sabi si N ta kualifika pa splikason di SES?

Nhos ta kualifika, si:

1. Nhos kriansa sta un skola públiku na Massachusetts ki foi dezinhadu komu ilijivel pa splikason SES, baziadu na rezul tadu di dezenpenhu; Y
2. Ilijibilidadi di nhos kriansa di ten refeison grátis o ku presu reduzidu, Y
3. Nhos intrega aplikason di refeison grátis o ku presu reduzidu di nhos kriansa na se skola.

Famílias ki ten kes 3 rekerimentu é ilijivel pa matrikula na splikason SES. Nota ki devidu a fundus limitadu, nen tudu alunu ki é ilejivel ta resebi splikason SES.

Ondi y kuandu ki N podi matrikula pa programmas di splikason SES?

Formulariu di matrikula ta sta dispunivel na skola di nhos kriansa y na varius lukal na Boston durante periudu di matrikula (ki ta bai di 7 di Setenbru – 8 di Outubru di 2010), inkluíndu:

Sentru di Rekursu di Família di Zona Esti (FRC)
Campbell Resource Center
1216 Dorchester Avenue
Dorchester, MA 02124
617-635-8015
Segunda-Sesta: 8:30 AM - 5 PM

Sentru di Rek. di Família di Zona Oesti
Barron Building
515 Hyde Park Avenue
Roslindale, MA 02131
617-635-7719
Segunda-Sesta: 8:30 AM - 5 PM

Sentru di Treinu y di Involvementu di Família y Alunu
443 Warren Street
Dorchester, MA 02124
617-635-7750
Seg & Ses: 8:30 AM- 7:30 PM
Ter, Kint & Ses: 8:30 AM - 1:30 PM

Satelite di F.R.C. East Boston
Umana Middle School Academy
312 Border Street
617-635-9597
East Boston, MA 02128
Kinta, 8:30 AM – 5 PM

Sentru di Rekursu di Família di Zona Nort
Madison Park Complex
55 Malcolm X Boulevard
Roxbury, MA 02118
617-635-9010
Segunda – Sesta: 8:30 AM – 5 PM

Satelite di F.R.C. Allston/Brighton
Jackson/Mann K-8
40 Armington Street
Allston, MA 02134
617-635-8532, ext. 222
Kinta: 8:30 AM – 5:00 PM

Ken ki ta da splikason SES grátis?

Durante prusesu di matrikula, famílias ki é ilijivel podi seleSIONA di un lista di provedores aprovalu pa stadu. Provedoris ta oferese servisu na un variedadi di disiplina y pa alunus na txeu nivel di grau. Atenson; servisu di splikason podi ser oferese na skola di nhos kriansa o na otu lukalizason.

Ki perguntas N devi konsidera kuandu N sta ta seleSIONA un provedor di programa di splikason?

- Kual ki é nesetidadi akademiku di nha kriansa (matimatika, leitura, y/o skrita)?
- Na ki dia di semana ki programa é fetu?
- Kuandu ki programa ta kumesa y termina kada dia?
- Kuandu ki programa ta kumesa na Outonu? Kuandu ki programa ta termina na prosimu primavera?
- Nha kriansa ta resebi instruson individual o ta ser kulokadu na grupu pekenu pa instruson?
- Ken ki ta ensina nha kriansa? Kual ki é kualifikason di pesual?
- Ondi ki kriansa ta resebi servisu? Modi ki kriansa ta txiga na luka (Lenbra ki ka ta dadu transporti)?
- Modi ki provedor ta djuda alunus ku difisiênsia o alunus ki primera lingua ka é inglês?
- N mesti servisu di internet pa ten kes servisu?

Nha kriansa podi partisipa na mas ki un programa?

Ta speradu ki alunus kumesa y termina programa di splikason ku mesmu provedor. É inportanti pa skodji provedor ku kuidadu pa satisfazi nesetidadi di nhos família. Entretantu, si programa ki nhos seleSIONA ka ta satisfazi nhos spetativa, ta ten un oportunidadi pa muda programa durante un periudu di 3 mes na Janeru. Dipos di Janeru, ka ta permitidu mas transferênsia di programa.

Si kriansa ta mesti ajuda na matimatika y na leitura, N podi skodji un provedor pa matimatika y otu pa leitura?

Nãu, nhos kriansa podi resebi splikason SES so di un provedor. Na es kazu, ta ser midjor skodji un provedor ki podi splika nhos kriansa matimatika y leitura.

Kal ki é rekerimentu di prezensa di programa di splikason SES?

Kalker alunu matrikuladu na un programa di splikason ten ki sisti tudu sekson. Kalker kriansa ki falta 5 dia konsekutivu ta ser tiradu di programa.

Ken ki N podi txoma si N ten mas pergunta?

- Kontakta un di kes provedor di servisu ki sta na lista di Gia di Referensia Rapídu pa mas informason
- Pa perguntas jeral sobri programa di splikason grátis di SES, txoma Steve Desrosiers na Skritóriu di Responsabilidadi di BPS, 617-635-6810.
- Vizita site di BPS: www.bostonpublicschools.org, y fazi un klik na Resources → For Families
- Vizita site di Departamentu di Idukason di Massachusetts y di Idukason Sekundariu: www.doe.mass.edu/ses/

